

De corpore delicti medice indagando ... / [Johann Ehrenfried Randhan].

Contributors

Randhan, Johann Ehrenfried, 1745-
Bose, Ernst Gottlob, 1723-1788.
Universität Leipzig (1409-1953)

Publication/Creation

Lipsiae : Litteris Sommeriis, [1783]

Persistent URL

<https://wellcomecollection.org/works/sqazydpm>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

DE
CORPORE DELICTI
MEDICE INDAGANDO

INDVLTV
GRATIOSI MEDICORVM ORDINIS
P R A E S I D E
D. ERNESTO GOTTLOB BOSE

PATHOLOG. PROF. PVBL. ORDIN. FACVLT. MED.
SENIOR. ACADEM. DECEMV. COLLEG. MAI. PRINC.
H. T. PRAEPOS. APVD. LIPSICOS
POLIATRO

PRO GRADV DOCTORIS

DISPVSTAT
IOANNES EHRENFRIED RANDHAN

ROETHA-MISN.

MEDICINAE BACCALAVREVS.

A. D. XXXI. IANVAR. A. MDCCLXXXIII.

L I P S I A E
LITTERIS SOMMERIIS.

H. D. Winkler

42600

GRATIA MEDICORVM ORIGINIS

T. R. E. S. D. E.

A. R. E. T. T. O. R. B. O. R. E.





§. I.

Non parum interest reipublicae, infantes liberari, delicta vero perpetrantes suae culpa poenas luere, ut magna opus sit sollicitudine in disquirendis conditionibus omnibus, quibus innocentia vel culpa confirmetur. Quanta ex neglectu noxa oriatur, infensa genti aut uniuerso populo, ii diiudicabunt optime, quibus leges diuinas humanasque custodiendi demandata est prouincia. Inde ab antiquis iam temporibus eo dirigebatur omnis cura, ut in violentis, corpori humano inflictis, laesionibus certa atque indubitata signa patefierent, ex quibus effectus ad vitam hominis labefactandam vel supprimendam declarentur. Nobile hinc aestimandum est tum magistratus, quibus curae cordique est subditorum salus, assiduum studium, tum eorum, quibus conceditur accurata magis vberiorque peruestigatio. Sunt autem medici, quibus hoc demandatur officium, praecipui, quod ob eam, qua pollent, structurae corporis cognitio-

nem mutationes necessarias seu sequelas illatae violentiae, recte aestimare valent. Nostreis itaque temporibus in foro non solum ille, quibus physicorum plerumque titulus datur, ea, quae huc pertinent, sedulo rimari momenta iubentur, sed etiam de comprobanda veritate collegia medicorum et facultates medicorum consuluntur, ne, quod imputatur reo, illi euadat periculosum, nec ambigua pro veris habeantur. Ex quo dignitas huius doctrinae non parum elucescit, quae certe tanta est, ut in discernenda ex legibus poena iuris periti prius de corpore delicti certiores reddi desiderent, de indole poenae quam iudicium ferant. Quum tamen in re tam ardua non pauca se obtulerint exempla, quod oscitanter quandoque versentur ii, a quibus postulatur certa atque fundamentis doctrinae solidioris conueniens demonstratio, non plane a scopo scribendi, quem nobis necessitas iniungit, alienum censuimus, si de corporis delicti natura et ratione illud medice inuestigandi quaedam proponeremus. Diversitates autem et signa, quibus veritas constat, nosse, impediens certitudinem causas expiscari et veritatem inde declarare atque docere annitemur. Etsi noua illa non sunt, arbitramur tamen aequos iudices in malam non interpretaturos esse partem, quae aliorum inseruendi studio amor nobis dictitat.

§. II

Quoniam vero omnis causa tunc demum ut vere agens consideratur, si effectus quidam consequitur, immo, quod idem non raro ad causam, imprimis, si eadem vel absit vel obscura maneat, ut concludendo redeamus

deamus nos monet, fieri non potuit, quin corporis delicti quoque significatio varie fuerit adsumpta. Hinc, si in foro disquiritur, vnde noxa aliqua vel laesio quaecunque, in corpore inuenienda, prouenerit, arbitrantur quidam, illi, qui v. c. vulnus fecit, corporis delicti nomen competere, quem potius delinquentem vocare conuenit, a quo malum aliquod prouenit, quique auctor criminis est. Etsi enim illius vim adhibitam, praecipuam causam constituere laesionis certum est, tamen non de causa tantum, sed potius de effectu, quae vitam turba- verit, et num ex illa absolute sequatur nociua mutatio, quaeritur, quum etiam non raro, saltim ab initio, lateat perpetrati facinoris auctor. Aliis instrumentum ipsum, quo laesio peracta est, hoc nomine venit, ita quidem, vt olim quoque vulneribus applicaretur, culter vel ensis, eum in finem, vt hoc nec alio vulnus factum fuisse appareat. Quem quidem morem nostris temporibus, etsi, vt decet, non approbare solent, quod instrumen- tum, vulnere intrusum, profunditatem quidem, partium vero laesarum indicium non reddat, non plane tamen ad certitudinem facti eius praesentiam deesse posse opina- mur. Concedimus interim, nihil inde definiri, quum ex contemplatione et natura instrumenti laedentis vis no- cendi quidem intelligatur, modus autem, quo nocuerit, minime perspiciatur. Sic fustis adhibiti, crassi vel te- nuis, a robusto vel debili applicati, in vi nocendi diffe- rentia est. Eritne forsitan effectui, siue plagae plus tri- buendum, ad corporis delicti confirmationem, ea pro- pter, quod illa partem aliquam corporis adfecerit, cu- ius vitae atque integritati insidiosa, sequelas induxerit funestas? Verum nec hae quidem sequelae, vtut a caus-

sa praecedente dependent, mere et simpliciter pro corpore delicti adsumendae sunt, dum omnem paginam partim non absoluunt, partim indubitatae secum certitudinem non habent. Sequuntur enim vulnus, ut exemplo utar, inflammatio, saepe magna, in gangraenam abiens sphacelumque, haemorrhagia funesta, aliaeque, quae, nisi accurate ponderentur, aliquando proficiscuntur a noua quadam accedente causa, ut imputari nequeant simpliciter vulnerationi. Ex quibus itaque omnibus, ad amissam pensitatis, consequitur, singulas istas condiciones ad corporis delicti naturam pertinere, eamque cerni in certitudine facti omniumque effectuum, qui ex facto illo originem suam repetunt. Sunt quidem aliquae huius certitudinis partes, quae a medico vix dignoscuntur et ad iudicis disquisitionem pertinent, ut rei aut delinquentis inuestigatio eiusque propria delicti confessio, signorum, eundem commississe facinus, etiam ex testibus collectio et similia, maxima tamen a medico certitudo est, si is docuerit, euentum ex facto antegresso nec aliunde prouenisse, qua sua demonstratione irritas fecerit astute effictas et corrasas defendentium suppositiones. Parum itaque aut nihil curamus inquisiti considerationem, quoad morum vitaeque integritatem, qui alias sceleribus purus, graui perturbatus animi adfectu noxas induxerit alii funestas. Ira, furor brevis, non excusat, constans vero et permanens furor, qui tamen certitudini facti siue corpori delicti nil detrahit.

§. III.

Exinde vero, quod momenta nonnunquam occurrunt, quae huic possent limites ponere certitudini, aliquae

quae corporis delicti diuersitates animaduertuntur, vt
 vel euidens vel obscurum, perfectum vel imperfectum,
 certum et incertum esse dicatur. Est enim in omnium
 conditionum, quae per disquisitionem studiosam causae
 agentis euentusque absoluti patent, ea vis, vt de veri-
 tate dubitatio nulla queat amplius superesse, in primis, si
 vtrumque, tum causa tum effectus ad se inuicem refe-
 runtur, vt hunc non nisi ex illa suum traxisse ortum cla-
 rissime appareat, vnde euidencia, certitudo atque per-
 fectio nascitur. Quippe quae iudicem etiam egregie in-
 struat, quo legibus accommodatam decernere possit poe-
 nam, reo imponendam, nec non, quo processus, quem
 vocant, criminalis breuiter finiatur. Si e contrario
 vnum alterumque momentum ad facti explorationem de-
 ficiat, quod a variis pendet intercedentibus incongruis-
 que conditionibus, si v. c. signa facti cuiusdam iam eua-
 nuerint, vt in puerperis, vel negligentius adnotata fue-
 rint, tunc obscuritas, imperfectio et incertitudo rema-
 net. Sicuti vero in priore seu euidente corpore delicti
 nihil est, quod desideretur vel disceptationibus ansam
 suppeditet: sic in hoc, quod obscuritatem et incertitu-
 dinem secum habet, partim medicorum iudiciis; partim
 sententiam ferentibus iudicibus obicem ponit, fraudu-
 lentis quandoque excusationibus fores pandit et grauiter
 delinquentes si non plane liberat, debitam eorum poe-
 nam tamen periculose mitigat. Optimum quidem esse
 nos etiam censemus, in rerum minus certarum diiudi-
 catione nocentes lubentius liberandos esse, quam inno-
 centem quendam supprimendum: at qua ratione is suam
 saluare velit conscientiam, qui sua culpa corporis delicti
 naturam imperfectam reliquerit, me ignorare fateor. In-
 de

de vero minime volumus adseuerare, in eorum semper potestate esse, quibus corporis delicti demandatur disquisitio, vt singula omnem habeant euidentiam momenta, quod eius modi aliquando se offerunt mutationes, quae impossibilem faciunt sufficientem atque maxime necessariam explorationem, cuius vero rationem reddere non obliuiscetur is, cui hoc tribuitur officium. Idque valet, siue in viuo, siue in demortuo homine effectus facti violenti disquirendi sunt. In viuo quidem corpore discrimen scrutinii inde prouenit, quod externa tantum indicia manifesta sunt, quae violentiam denotant, interna vero latent, nec nisi per symptomata dignoscuntur. Sunt itaque, qui ab his corporis delicti certitudinem insufficienter deduci arbitrantur, quod variis etiam in casibus valere potest, in primis, si viuenti adhuc laeso infensa sunt aliqua, quae a laesione primaria non dependent: quodsi post acceptam vero plagam, quae mortifera protinus non fit, graua oriuntur symptomata, interiorum nunc adhuc obscuram laesionem declarantia, tunc de euidenti facti euentu ambiguitas non superest. Sic capite percussus, sine externo vulnere vel afflictione conspicua, tremens, somnolentus, torpidus, vomens, sensumque omnem sensim amittens, in summo versatur periculo, si aptis porro remediis medicis atque chirurgicis subleuatur nihil, et moritur, quis sani ante atque vegeti hominis vitam a causa illa violenta in discrimen deductam fuisse negabit? Interim haec iudici non sufficere, inferiore loco patefcet. Aliter autem iudicandum est de corpore demortuo, quandoquidem in cadavere, quae latent, sensibus poterunt obici et ea, quae vere adfecta sunt per noxam quamcunque, nunc dilucidius

dius cognosci, simul etiam, quae euentum letalem fecerint, sine tenebris clare animaduerti, nec non difficultas minus felicitis curationis intelligi. Quae quidem omnia tum corporis delicti confirmant certitudinem, tum argumenta suppeditant, quae auctorem delicti inculpare vel excusare possunt.

§. IV.

Criminis ergo cuiuscunque, aut vere commissi, aut inculpati tantum exploratio, quia corporis delicti certitudinem requirit, ita comparata esse debet, ut tum facti, tum etiam facti euentum certitudinem comprehendat. Nos medicam tantum corporis delicti indagandi rationem tradituri, ea, quae in fraudibus, furtis et similibus delictis insunt, si cum aliqua corporis humani laesione coniuncta non sunt, ad forum nostrum non pertinentia, facile praetermittimus, bene rati, iudicum criminalium assiduam operam in hisce enucleandis occupari. Vbi vero corpus, ab aggressore male tractatum, vulneratum laceratumque inueniatur, tunc, siue exigua, hinc facilius restituenda fuerit afflictio, siue mortem induxerit, medicam exposcit diligentem diagnosin. Illi enim, qui egere posse iudicem hac declaratione medica opinantur, quod facti antecedentis sequela funesta ipso hoc momento temporis successerit, v. c. si sclopeti globulo cor fuerit percussum, non debent non fateri, videri potius ea contigisse, quae adsumunt, certitudinem plenam disquisitae demum dabunt exuuias. Requiruntur vero viri fide digni et intelligentes. Quae dum asserimus, neutiquam femineo sexui has dotes abnegare volumus, qui in mulierum affectibus, in quibus obstetrices haud infre-

quenter se fat sapere sibi persuadent, peritiam sibi com-
 petere opinatur. Attamen, quod feminae omnem huc
 pertinentem doctrinarum ambitum percurrere nequeunt,
 et forte minimam tantum eius particulam tenent, in cor-
 poris delicti certitudine, non fallente, iudicium ferre aut
 laesionis naturam deuelare vix poterunt. Fidem autem
 habendam esse disquirentibus per se patet, quum insta-
 bile alias testimonium esset futurum, immo peritiam ta-
 lem desiderari, quae capax sit instituendae obseruationis
 et pensandarum omnium conditionum, quae occurrunt,
 earundemque ad fontem, vnde promanarunt, referen-
 darum, itidem nequit dubitari, quod alias, quae op-
 poni aut excipi possint, semper inueniantur. Volunt ve-
 ro summi iustitiae arbitri et nemesis Carolina, quod rite
 a peritis examinati et sacramento adstricti ad hoc adhi-
 beantur negotium, nec admittendos esse. nisi honores
 titulumque doctoris, ceu testes bene comparatae scientiae,
 habuerint. Hinc, quod de obstetricibus antea adserui-
 mns, id de chirurgis, barbitonsoribus aequè ac de phar-
 macopoeis adseueramus, licet ZITTMANNVS in *Medic. Fo-
 rens.* p. 449. testimonium chirurgi de letalitate vulne-
 ris capitis a facultate medica confirmatum tradat, quod
 in summa demum necessitate, si medicus peritus haberi
 non possit, urgente casu, nec absque omni ambiguitate,
 ni fallimur, conceditur. Iuramentum porro additur,
 ne vlla exoriatur suspicio neglectus aut fidei sublesta, quo
 sese adstringant physici ita, vt idem valeat, quamdiu
 suo praesunt officio. Qui vero a magistratu postulantur
 absque tali officio, in singulo quouis casu illud repetere
 debent. Doctorum medicinae nostrorum, quorum sa-
 cramento, dum summos capeffunt honores, iam inest,
 se in

se in vulnerum atque cadauerum inspectione et in omnibus casibus, de quibus a magistratu postulantur, fidem omnem et conscientiam esse adhibituros, exceptio ita quidem comparata est, ut iure suo uti queant, nouum tamen declinare nequeunt sacramentum, si iudex, cui largiri velint suam operam, e re sua id iudicauerit. In perficiendo deinde negotio studium atque singularis adhiberi debet assiduitas, sine qua conueniens attentio vix speranda est, studiosa scilicet animaduersio ad singulas conditiones iam applicari debet, si laesus viuus consideratur. In hoc praecipue phaenomena circa partem laesam adnotentur, simul cum omni decursu inde pendentis morbi: cunctae deinde actiones corporis examinentur, quatenus nimirum eorum exercitium naturali respondeat statui nec ne, quantumque aberrant: porro num mutatio deprehensa causae laedenti sit adscribenda, vtrum iam olim extiterit, aut ab inhaerente aliquo morbo pro-
 uenerit, aut ab alia accedente occasione, v. c. si exebrietate stupor et sensuum abolitio adest, aliaque. Haec etenim, si tandem letalis euaserit laesio, multum iuuabunt ad corporis delicti corroborandam certitudinem. Non minori tamen opus est solertia in perscrutando cadauere, quod violenta interemit laesio, cuius indagandi normam deinde vberius trademus, quo manifestentur, quae delitescunt. Euidencia nimirum postulatur in singulis conditionibus, per sensus perceptis. Quare exulare iubemus a scrutatore omnem praeconceptam opinionem, qualem testantur quandoque relationes medicorum, quae fidem adhibet vago saepe rumori de genere et causa morbi, atque si praecoccupato iam animo quaedam momenta se inuenire credunt, quae cum illis conueniant re-

lationibus. Naturam sequi et arripere, eam vero ad suam detorquere cogitationem non licet. Optimum semper duximus, spernere, quae propalantur, quo animus, ab omni praesumptione liberrimus eo magis accommodare iudicet de iis, quae sensus incorruptus suppeditat. Hinc tolerandus non est quorundam physicorum mos, qui coniecturam pro veritate venditant et in homicidio declarando diuersas accusant causas, quarum vna vel altera ex viso reperto possit elici. Quemadmodum enim suam produnt inconstantiam, ita nocent corporis delicti certitudini et reo potius patrocinantur, melius sibi consulentes, si perspicaciori medicorum collegio commississent detegendam veritatem, ne fallax et probabilis conclusio nodos stringat magis quam soluat. Supra §. II. iam notauimus, laedens instrumentum ad vulnus fuisse olim applicatum, eiusque considerationem non inutilem iudicauimus, sed inde minime consequitur, impugnari posse euidentem corporis delicti demonstrationem, etsi illud obtineri nequit. Etenim ad alias potius conditiones in vulnere attendimus, et figura instrumenti laedentis in speciali tantum casu considerata erit, vbi ex eius contemplatione non aliud, nisi ea figura instructum instrumentum vulnus fecisse, palam fit.

§. V.

Vlterius vero huic insistendum est tramiti, vt, dum, quae ad corpus delicti in vniuersum pertinent, exposuimus, nunc etiam, quae ab iis desiderantur, qui in formando explicandoque illo occupantur, perpendamus. Quo copiosiora autem et varia magis sunt in foro diiudicanda facinora, quo pluribus ex causis eueniunt mortes homi-

hominum, eo magis diuersam diiudicandi rationem esse debere luculenter apparet, singulumque in his iudicium ex variis doctrinae fontibus deriuandum est. Ineptum itaque illud euaderet, nisi in promptu haberet medicus eam rerum cognitionem, quae ad discernendas diuersissimas causas et effectus pertinent, sic, ut iudici forensi clarius intueri liceat genuinam mali originem. Homicidia tantum, si attendimus, vario peraguntur modo, v. c. per vulnera, gladio solopetoque facta, fune, verberibus, veneno, inedia, aliisque contracta: singulus modus alias in corpore mutationes facit, quas ex propria indole rei nocentis deducere necessum est. In venenis tantum, acidorum, rodentium, arsenicalium, mercurialium, ut alia taceamus, maxima et discrepantia et agendi potentia inuenitur. Hanc omnem bene percontari medicus et phaenomenis, in corpore inueniendis, conformem demonstrare debet, si corpus delicti velit certum reddere. At, quoniam haec phaenomena et effectus ex corpore humano conquiruntur, medici sane cognitionem anatomicam non proletariam aut superficialem, sed accuratam et intimiorem exigimus, quo de iis, quae in variis deprehenduntur partibus ab integritate discrepare, confidentius differere et digito quasi monstrare valeat. In qua profecto si defecerit doctrina, nunquam eam facti er, qui cum eo coniunguntur, effectuum certam et a dubitationibus immunem naturam explanabit, qualem iustitia supponit atque postulat. Hinc pro-
no quoque fluit alueo, sensuum, quibus res percipimus, eum statum esse debere, qui non fallat, id, quod tunc demum contingere scimus, si vel integritati vel attentioni quidquam desit. Ea namque, quae sensibus,

integrīs comprehenduntur, pro veris habentur, iis vero momentis, quae sensuum assensu non comprobantur, in foro fides non additur. Sic sensus docet, vulnus inflitum ad cauum ventris penetrasse, eodemque sensu per vltiorem inquisitionem maiora vasa sanguifera laesa fuisse comperimus et sanguinem effluxisse, vt certissima de haemorrhagia letali conclusio fiat. Si vero ex notis euidentibus feminam peperisse cognouerit scrutator, ventris rugas, vaginae laxitatem, effluentia lochia, mammarum tumorem, lactisque praesentiam declarauerit, certa, quae sensus suppeditant, proponit quidem, sed obscura et dubia referret, si inde nuperrime abiectum, mortuum aut occisum infantem ad eam puerperam indubie pertinere adsereret. In qua praesumptione nihil est, quod ad sensus pertineat, qua vero defendentibus reum ansa praebetur largissima, oppugnandi argumenta minus idonea. Praecipua sensui visus demandatur prouincia, quo solo secantes singulas partes perlustrare, detecta clara reddere debent momenta. Hinc vulgo *visum repertum* nominant omnia, quae in cadauere a statu naturali aliena occurrunt. Sunt quidem reliquis sensibus partes aliquae tribuendae, nam tactus et auditus ossium fracturas, odoratus putredinem detegit, verumtamen inductarum laesionum indolem et corruptelae magnitudinem nec horum sensuum virtus sufficienter determinare valet. Quis enim ex partium externarum putredine ad internarum similem habitum absque metu erroris concluderet?

§. VI.

Nullō vero modo inde volumus, vt aliquis, obseruatis omnibus regulis, arbitretur in corporis delicti demon-

demonstratione perpetuam esse certitudinem, quum non deficient variae accedentes caussae, quae impedian, quominus plane certum illud euadat. Quae nimirum caussae vel ab iis dependent, quibus laesi corporis inspectio atque disquisitio committitur, vel ab aliis rebus proueniunt. Quam vtramque igitur conditionem rimari adhuc decet. Quum enim absque sectione cadaueris nec indagetur nec dignoscatur natura laesionis, hanc omissam ceu primariam causam adsumimus, quae incertitudinem corporis delicti relinquat. Versantur quidem aliqui in ea opinione, ac si opus non sit anatomica laesi corporis disquisitione, si violentiam antegressam immediate sequatur mors, quippe quod ex illa causa letalis effectus oriatur sic, ut a se inuicem seiungi nequeant. Sed tuta tamen non est consequentia. Accedunt aliquando symptomata, quae ex singulari corporis dispositione graua et funesta fiunt, quae alias talem effectum non habuissent. Vehementia animi pathemata, lipothymiam et syncopen excitant, iis maxime molestam et forte letalem, qui vitio pectoris laborant, aut polyposa in corde concretione. Fac, talem hominem a latrone in via insultum pati, leuiter vulnerari aut verberibus tantum affligi, mox concidere et mori. Num detestabilem per se latronem iusto et indubie homicidam nuucupares? qui integra vtentem vita non necasset. Iudici profecto plura noscenda sunt, quae demum ex sectione dignoscuntur. Ad has vero condiciones eruendas et confirmandas, si medicus, qualem §. IV. descripsimus, non adhibeatur, perinde ambiguum manet corpus delicti, quod ZACCHIAS *Quaest. Med. legal. Lib. V. p. 371.* et ZITTMANNVS p. 631. pariter testantur. Solus etiam chirurgus aut plures non sufficiunt, etsi

etsi nolumus inficiari, inter eos inueniri, qui haud vulgari imbuantur anatomes cognitione, rariora tamen nostris temporibus et inter nostros sunt exempla et veritat Nemesis Carolina. Vterque vero medicus atque chirurgus, si imperitiae suae testimonium ediderint, pari passu ambulant et vim inferunt certitudini facti, quoniam se rei veritatem non rite perspexisse merito praesumuntur. Hinc etiam inspectio atque descriptio pro insufficiente habetur, siue externam tantum corporis superficiem fuerint intuiti, eandemque fugituo oculo perlustrauerint, siue de interiore scrutinio differant sic, ut cognitionis defectus manifestus euadat, qui neglectum anatomiae cultum grauitur vindicat, qualia exempla plura ZITTMANNVS adducit. Medetur itaque huic malo secans medicus, si studiose partes laesas nominet, quousque laesio penetrauerit, quasque attigerit. Accidit autem, ut, si vulneratus non protinus pereat, sequela funesta in dubium possit vocari, num illa a laesione illa ortum traxerit, num potius medenti culpa ob medicationem minus recte susceptam possit imputari. Quantum ad felicem curam conferat adaptatum regimen, idoneorum remediorum usus, ii testantur, qui aegrotos curant. Quare ne excusationem inueniat reus, in promptu habere debent medentes accuratam morbi historiam, quae contineat, tum in aegroto animaduersas condiciones, tum de remediis et eorum effectibus relationem; siue enim v. c. medicus ad febrim et inflammationem domandam rite non respexerit, siue chirurgus festucas ossium fractorum, caluae depressionem et inde pendentem cerebri irritationem perpetuam non remouerit, siue ipse aeger ad praescriptas leges non attenderit, iisdemque conformis
non

non vixerit, vt alia taceamus, ex hoc quoque fonte corpus delicti promanabit incertum. Hinc non omnes eae noxae per se letales censendae sunt, quas pressio quasi pede mors sequitur, quod supersunt media, quae letum abigunt, et iugulantur haud pauci ex accidentibus et improuisis casibus. Protracta vel omissa magnae arteriae, ad quam aditus patet, deligatio, haemorrhagiam funestam certo producet, si vero, deligato iam vulnere, laesus casu ex altiori loco caput concusserit, aut interiorem aliquam rupturam vasis sanguiferi vel laesionem visceris sibi contraxerit, funestus sane effectus vulnerationi adscribi non potest. Vehementes animi adfectus, veneris abusus, incongrua aegri ex vno in alium locum transportatio, tempestatum iniuriae, in quocunque morbo mutationes peruersas excitant, multo magis, si tales conditiones iunguntur violentiis externis. Titubat inde corporis delicti firmitas, quae pariter fallax redditur, si vivo cuidam accidisse dicuntur, quae mortuo demum eueniant. Probandum est per signa, in cadauere observanda, num vita adfuerit tempore laesionis. Sugillationes in neogenito, pulmonum in aquis natatio, sanguinis per funiculum vmbilicalem profusio, iuncta vasorum vacuitati, tam certa vitae, in partu praesentis, signa sunt, vt dubitationes non relinquant. In aquas demersus si infans inueniatur, dicatur autem in eas delapsus esse et periisse, quod mater, partum expectans, ad eas confederit, fidem non meretur ex indubiis hisce momentis. Pariter, si signa deficiunt rubicundi aut liuidi circa collum circuli, vasorum capitis sanguine distentorum, oculorum inflammatorum, linguae tumidae, sicque suspensus quis inueniatur, qui fune vitam sibimet abstulisse

dicatur, corpus delicti dubium fit, aequae ac, si iisdem notis instructum, inque lectum repositum, repentina apoplexia aliquem sublatum iudices. Itidem vulnera in viuento homine rubicunda, turgida, immo cruenta sunt, in mortuo vulnerato vero haec deficiunt. At, quamuis nunc aliqua momenta adduxerimus, quae de corporis delicti certitudine excitant dubitationem, multis tamen maxima omnium videtur ea esse, quae irritam faciat indagantis operam et in putredine spectatur. Tantus scilicet putredinis gradus, qui non extimam tantum corporis superficiem destruit, sed in viscera etiam interiora grassatur et in amurcam mutat, utique turbat secantes, quo minus effectus violentiae adhibitae possint discernere. Nam foetore solo vix abigi se patitur anatomicus, neque patitur iustitia, veritatis detegendae arbiter. Hunc omnia spargunt animalium cadauera: sed resolutio solidarum partium, quae carnes in mucosam putrilaginem conuertit, cerebrum pulposum reddit, singulisque visceribus friabilitatem conciliat, tantam inducit corruptelam, quae frustretur attentionem disquirentium. Attamen nec talia cadauera absque consideratione prorsus seponenda sunt, quandoquidem in his ossium fracturae, cranii fissurae, aliaeque supersunt, aliquando in delicti dilucidatione, si animaduertuntur, vtilia futura. Ita in recens natis, quae iam in vtero vitam amiserunt, non raro varia putredinis incipientis deteguntur molimina, quale nuperrime demum exemplum vidimus in puerpera, quae gemellos, alterum pene semiputridum, alterum vero vegetum viuumque enitebatur. Nunquam autem tanta est destructio, quo minus in his, si male fuerint tractati, signa violentiae possint detegi. Certe in his, etiam si

etiamsi maiorem putredo est gradum adsequuta, de vita, extra vterum non acta, restat significatio in pulmonibus, in aquam immixtis ibidemque submergentibus. Quod, quum iam alibi, in *Diff. de respiratione foetus et neogeniti*, excusserimus, nuper denuo confirmatum accepimus, dum istius semiputridi foetus exploraremus pulmones, absque omni mora mox in aqua subsidentes. Est ergo in corpore etiam delicti, quod valde perturbari videtur a putredine, sub iis conditionibus aliqua adhuc certitudinis significatio,

§. VII.

Haec, quae vberius disputauimus, non ex arbitrio, aut ex adsumpta quadam opinione deriuat, sed ex indiciis seu signis, quibus tanquam fundamentis veris insistit, depromit medicus. Quoniam vero delictum non semper cognitum est; in loco enim abscondito, ab hominum conspectu remoto, clanculumque perpetrantur facinora, etiam funesta ex illo aut raro aut minus valide repetuntur signa. Itaque effectus in corpore humano ante omnia erunt pensitandi, phaenomena colligenda et contemplanda, deinde demum ad causam redeundum est, quo pateat, num ea quoque hisce producendis par sit effectibus. Superiore namque loco iam adseruimus, falli eos, qui ad causam, quam animo foveant, detorquent obseruata phaenomena. Praeuidemus fore quosdam, qui hanc sententiam naturae non conuenientem inueniant, quod sine causa effectus esse non potest, sed desinent mirari, si perpendant in foro requiri potius, curatius deductas, ex phaenomenis rationes,

C 2

quam

quam de caussae virtute scholasticas disputationes. • Cunctae itaque a natura desectentes in corpore conditiones, in homine vel viuo vel demortuo deprehendendae, signa offerunt, ad corpus delicti constituendum pertinentia. Nec morborum signa eximimus, quae simul sunt adnotanda, quod propter morbum inhaerentem eiusmodi fieri potest dispositio, quae caussae violentae effectus variet. Sic si herniosus ventre vehementer comprimitur aut conquassatur, alios is ac sanus patitur effectus. Qui aneurismate in pectore laborat, a sola rixa, aut levi lucta, si illud rumpitur, extinguitur protinus, quam sane iniuriam perpeffus esset quiuus alius exiguo cum incommodo. Quare optime monet. *HEBENSTREIT in Anthropolog. forens. Sect. I. Membr. II. cap. I. §. 12.* distinguenda esse quam curiosissime signa effectuum, caussarum, facti atque facientis. Agonizantem qui interimit, non minus homicida est ac is, qui sanum funeste laeserit: tunc autem, signa effectuum testantur, acceleratam mortem non sponte, sed propter efficientem causam accessisse. Sponte tamen hinc fluit, adaequatos esse debere effectus illi rei, quae pro causa adsumitur. Si grauidam aliquis ruditer percusserit, vt abortum patiatur, effectus est illatae iniuriae abortus, sed, quod ista femina ex mala peluis conformatione parere nequit, aut quod situm foetus peruersum habet, aut quod mors, enixo vel extracto foetu puerperam ex viuis rapit, non protinus hae sequelae ab illa antecedente causa deriuandae sunt. Tales itaque conditiones medicus, corpus delicti ad certitudinem deducturus, perpendens, nunquam praetermittere, bene tamen seiungere debet ab iis signis, quae ad causam effectusque violentiae spectant. De signis

gnis autem praetereuntibus aut euanescentibus, ut puerperii ante longum tempus, aut olim perpessae iniuriae, scilicet fracti ossis, infelicis casus ab alto, quae reorum defensores non nunquam adducunt, nil monemus, quod antea corpus delicti incertum reddi diximus.

§. VIII.

Supereft tandem ut de norma indagandi corporis delicti quaedam moneamus. Etiamfi ex variis hucusque traditis momentis colligi possint atque intelligi plurima, non inutilem tamen operam futuram esse coniicimus, si aliqua huc denuo referamus, praesertim, quod in renunciationibus obseruauerimus, secantes, omissione necessariarum conditionum peccantes, occasionem praebuisse disceptationibus de non sufficienter euicto corpore delicti. Quodsi ergo euellere ex animo aliorum nitatur physicus secans omnem suspicionem omissi aut praeteruissi momenti cuiusdam, ad euitandam ambiguitatem, ipse sua doceat demonstratione, se in anatome ita esse versatum, ut naturam penitus noscat, ne forte, quod meminimus legisse, naturales ossium rimas pro fissuris violentis tradat, uti de ossis occipitis neogeniti parte superiore lateralique traditum aliquando accepimus. Deinde ea potissimum loca attente consideret, quae laesa esse deprehendit, in quibus figura, magnitudo et quousque penetrauerit noxa, erit animaduertenda. Quo tutius commodiusque id fiat, sensim vna post alteram pars est semouenda, usque dum ad extremum laesionis finem deuenit. Tunc enim dignoscet melius, num adfectae partis laesio vitae struxerit insidias. Hac methodo per-

gendum est ad reliquas, si forte plures fuerint laesiones, quo de singulis constet, quid contulerint ad necem vel ad curandi impossibilitatem. Sic etiam, si vasa sanguifera discissa reperiuntur, ex horum et cordis vacuitate haemorrhagiam letalem pronuntiabit. In caua interiora, vbi penetrauerit vulnus, conuenit studiosam superaddere huius caui descriptionem et partium, quas attigit noxa, explicationem, aut quae illaesa manferint. Est vtiq̃ue in his momentis magna ad certitudinem efficiendam potentia, vt in his subsistere possit scrutator, videlicet, si gula cum aspera arteria et vasis maioribus inueniatur dissecta, haemorrhagia letalis debuit exoriri et partium ad vitam sustentandam vsus absolute intercipi. Verum, si enormes adeo insanabilesque ad sensum non extiterint noxae, si vel laesus per aliquot dies adhuc superuixerit, si medellae apparuerit probabilitas, aut si alia accesserit, quae pro sequela vulnerationis haberi nequit, causa, aut si morbi inhaerentis indicia appareant, tunc laesorum locorum indagatio sola nunquam sufficiet, quin potius, quod latens causa quidquam ad mortem contulerit, excitabitur suspicio. Hanc non effugiet corpus delicti declaraturus, nisi viscera omnia, in quemcunque locum reposita, perlustrando, eorumque statum integritate sua frui nec ne, clare atque distincte docuerit. Sic enim, quoniam omnia, quae apparent in corpore, phaenomena collecta proponuntur, facti cuiusdam certitudo euentusque euidentia monstratur, atque corpus delicti definitur, cui firma et indubitata deinde conclusio innitatur.

§. IX.

Speciales nunc haec, quae pro ingenii modulo proposuimus, exposcerent effectuum singularium disquisitiones, qui dependent a diuersitate caussarum, quibus vita hominis periclitatur. Aliam enim aliamque naturam habent varii generis vulnera, contusiones, fustigationes, suffocationes, aliaque, inter haec potissimum veneficia. Sed in his diiudicandis longiores nunc esse nolumus, quod haud pauca, huc referenda, momenta ex nunc adductis, quae fundamenta generalia continent, poterunt explanari, et quod angustia temporis in iis abunde versari vetat, vt illa, quae diuersitates constituunt, ad aliam occasionem reseruare cogamur.



